

乾隆大藏經



# 乾隆大藏經



御製

佛光恩照三千大千  
恒沙法界普度衆生  
身心安泰年時豐稔  
日月升恒乾坤清寧  
上下樂利中外協和  
萬善圓成情與無情  
大清雍正十三年四月初八日  
隨緣徧滿  
悉證菩提  
風雨調順  
百昌蕃熾  
庶物咸亨  
同登正覺

第八九册 諸宗部此土著述(二三)

大明三藏法數 三八卷(卷九至卷三八)

上天竺前往持沙門一如等奉敕集注.....一

諸佛世尊如來菩薩尊者神僧名經 二〇卷

明太宗御製.....七七九

大明太宗文皇帝御製序贊文 一卷

明成祖撰.....一〇七一

神僧傳 九卷

.....一〇八一



大明三藏法數

上天竺前住持沙門一如等奉

勅集註

大明三藏法數卷第九

上天竺前住持沙門一如等奉 勅集註

四身

出成進

**一自性身**

自性身者即法身也

謂諸如來真淨法界湛然常寂具足無邊真實功德是一切法平等實性也

**二自受**

**用身**

自受用身者即自報身也謂諸如來

內智湛然照真法界盡未來際常自受用廣大法樂也

**三他受用身**

他受用身者為

他機所感而現此身即他報身也謂諸如來由平等智為十地菩薩現大神通轉正

法輪令他受用大乘法樂也

十地者微音地離垢地發

光地焰慧地難勝地現前地遠

**四變化身**

變化身者謂無而忽有名為變化即應身也謂諸如來隨順機宜變現此身也

化應身四句

出華嚴經隨疏演義鈔

**一化身**

謂佛

清刻龍藏佛說法變相圖



隨類變現龍鬼等形不爲佛身是名化身

非應

**二應身非化**謂地前菩薩所見佛身

即是隨機應現非五趣攝是名應身非化

地前菩薩者即十住十行十四向諸菩薩也五趣者天趣人趣鬼趣畜生趣地獄趣也

**三亦應亦化**

謂諸聲聞所見佛身見諸

相好皆因修成名之爲應無而忽有名之

爲化是名亦應亦化

**非應非化**

謂佛法

報二身非屬應化是名非應非化

佛四德

出涅槃經

四德者如來所證常樂我淨之

德也謂如來心體本空應用無染離凡夫

二乘菩薩偏邪之顛倒故稱爲德

二乘者聲聞乘

緣覺乘也

**一常德**常者不還不變之謂也性體

虛融湛然常住歷三世而不遷混萬法而

不變故名常德

三世者過去現在未來也

**二樂德**

樂者

安隱寂滅之謂也離生死逼迫之苦證涅槃寂滅之樂故名樂德

樂寂滅之樂故名樂德

梵語涅槃華言滅度

**三我德**

我者自在無礙之謂也然有妄我真我若

外道凡夫於五陰身強立主宰執之爲我

乃是妄我若佛所具八自在稱爲我者即

是真我故名我德

五陰者色陰受陰想陰行陰識陰也八自在在我者一能示一身以爲多身二示一座身滿大千界三大身輕舉速到四現無量類常居一土五諸根互用六得一切法如無法想七說一偈義經無量劫八身遍諸處猶如虛空也

**四淨德**淨者離垢無染之謂也無諸

惑染湛然清淨如大圓鏡了無纖翳故名

淨德

身土四依

出華嚴經疏

**一色身依色相土**

謂如來

隨類應化示現丈六等相好之身即依娑

婆等同居之土以其有山河大地等色相

是爲色身依色相土

梵語娑婆華言能忍同居者凡聖同居也

**二色身依法性土**

謂如來丈六等相好之

身當體即是法性之身所依之土亦即常

寂光土是爲色身依法性土

常寂光土者即佛所居之

淨土也  
**三法身依法性土**謂如來法性之身

非心非色猶如虛空遍一切處所依之土

即是常寂光土是爲法身依法性土

**四法**

**身依色相上**謂如來法性之身遍於剎塵

之土雖身土相攝事理交互色即非色相

即非相而不離剎塵之土是爲法身依色

相土

佛四種希有

出金剛經纂要判定記

**時希有**

者謂佛出世之時不常有也一切衆生從

曠劫來無明覆蔽流轉生死無有窮盡今

值佛出世聞說正法依教修行得免生死

之苦實爲希有也

**處希有**處希有者謂

佛生於迦毘羅城乃在三千世界之中佛

不於餘處出現而於此處降生實爲希有

梵語迦毘羅華言能仁住處  
**三德希有**

德希有者謂佛具無量福慧最勝第一非

諸菩薩等所可思議實爲希有也

**四事希**

**有**事希有者謂佛降兜率乃至入涅槃等

事天上人間最爲奇特外道天魔無不歸

仰用大慈悲極巧方便現多種身相演無

量法門隨衆生根普皆利益實爲希有也

梵語兜率華言知足梵語涅槃華言滅度

四無所畏

出大智度論

此四通言無畏者由佛十

力之智內充明了決定故於大衆中凡有

所說則無恐懼之相故名無所畏

十力者非處智力知過去現在未來業報智力知

諸禪解脫三昧智力知諸根勝劣智力知

種種解脫智力知種種界智力知一切至處

道智力知天眼無礙智力知宿命無漏智  
力知永斷習氣智力也  
**一切智無所畏**一切智者

於世間出世間一切諸法盡知盡見也無所畏者如佛言我是一切正智人故得安隱得無所畏在大衆中作師子吼能轉法輪諸沙門婆羅門若天魔梵若復餘衆實不能轉是一切智無所畏

梵語沙門華言勤息謂勤行衆

善止息諸惡也梵語婆羅門華言淨行天魔梵者天魔即他化自在天梵即梵天也

**二漏盡無所畏**

漏盡者惑業生死俱盡也

無所畏者如佛言我一切漏盡故得安隱得無所畏在大衆中作師子吼能轉法輪諸沙門婆羅門若天魔梵若復餘衆實不能轉是爲漏盡無所畏

**三說障道無所畏**

說障道者說彼魔外障蔽聖道之法也無所畏者如佛言我說障法故得安隱得無所畏在大衆中作師子吼能轉法輪諸沙門婆羅門若天魔梵若復餘衆實不能轉

是爲說障道無所畏

**四說盡苦道無所畏**

說盡苦道者說能盡諸苦之道法也無所畏者如佛言我所說聖道能出世間能盡諸苦故得安隱得無所畏在大衆中作師子吼能轉法輪諸沙門婆羅門若天魔梵若復餘衆實不能轉是爲說盡苦道無所畏

四等

出楞伽經

四等者謂諸佛如來名字言語現身說法平等不二以顯佛佛道同也

**一字等**字即

名字也經云若字稱我爲佛彼字亦稱一

切諸佛以我與彼字無差別是名字等

釋迦如來自謂也彼者指一切諸佛也謂諸佛皆稱理立名理性平等故同名佛也

**二語等**語即言語也經云謂我六十四種

梵音言語相生無增無減無有差別與諸

佛同一音故是名語等

六十四種梵音者

悅意四可樂五清淨六離垢七明亮八甘  
美九樂聞十無劣十一圓具十二調順十  
三無滯十四無惡十五善柔十六悅耳十  
七適身十八心生勇銳十九心喜二十悅  
樂二十一無熱惱二十二如教令二十三  
善生歡喜二十四分明二十五善愛二十六  
他善了知二十七使他如教令二十八令  
離重復過失二十九如理三十利益三十一  
龍音三十四如雲雷吼三十五如龍王三  
十六如緊那羅妙歌三十七如迦陵頻伽  
三十八如梵王三十九如振鼓四十如鳥  
希釋美妙四十一如振鼓四十二不無四  
十三不取四十四無破壞四十五無染污  
缺減四十六無破壞四十七無染污四十  
八無希取四十九具足五十莊嚴五十一  
顯示五十二圓滿一切音五十三諸根通  
悅五十四無謾毀五十五無輕轉五十六  
無動搖五十七隨入一切眾會五十八諸  
相具足五十九令眾生意歡喜六十說眾  
生信解六十一入眾生心意六十二隨眾  
切眾生不能  
思惟稱量也  
**三身等**經云我與諸佛法身  
及色身相好無有差別是名身等  
法身者  
即法性  
為身也色身者如  
東丈六之應身也  
**四法等**經云我及彼佛

同得三十七品菩提分法無二無別是名

法等

三十七品者觀身不淨觀受是苦觀

今永斷未生惡令不生已生善令增長未  
生善令得生是四正勤欲如意足念如意  
足精進如念足思惟如念足是四如意足  
信根進根念根定根慧根是五根信力進  
力念力定力慧力是五力擇法覺分精進  
覺分喜覺分除覺分捨覺分定覺分念覺  
分是七覺分正見正思惟正語正業正命  
正精進正念正定是八正道已上諸法總  
為三十七品也梵  
語菩提華言道

世醫四法喻如來

出離河  
含經

**一善知病**謂世之

良醫善能知人種種疾病以喻如來善知

一切眾生業惑等病也

**二善知病源**謂世

之良醫善知疾病所起之由或由風濕或

由冷熱乃至飲食色欲之類發於眾病以

喻如來善知眾生皆由無明煩惱為其根

源而有生死輪迴之病也

**三善知病對治**

謂世之良醫善知對治之方如患冷病者

則以熱藥對治患熱病者則以冷藥對治

患不冷不熱病者則以溫和之藥對治藥

若對病病無不愈以喻如來說法若衆生

多貪欲者則說不淨之觀治之多嗔恚者

則說慈悲之觀治之是也

**四善知治已更**

**不動發**謂世之良醫善能應病與藥人若

服已其病即愈病既愈已身心安隱不復

更發以喻如來爲諸衆生善說法藥對治

一切衆生業惑之病人能依而修之則得

出離生死之苦成就涅槃之樂一切業惑

不復發起矣

梵語涅槃  
華言滅度

四方行七步

出佛本  
行集經

謂如來初降生時於四

方面各行七步步舉足出大蓮華行七

步已先觀東方口自出言世間之中我爲  
最勝我從今日生分已盡此是菩薩希奇

之事未曾有法餘方悉然

行七步者涅槃經云示爲衆生而作導首

也

**二南行七步**南行七步者經云示現欲

爲無量衆生作最上福田也

**三西行七步**西行七步者經云示現無盡永斷生死是

最後身也

**四北行七步**北行七步者經云

示現已度諸有生死也

四門游觀

出佛本  
行集經經云爾時虛空有一天子

名曰作瓶見悉達太子在於宮內恐其著

五欲樂乃言我當爲彼作於厭離之想即

以威神感動令其宮內所作音樂皆爲不

順五欲之事唯傳涅槃微妙之聲欲令厭

離世間心生覺悟太子聞是聲已遂發出

遊之心即向迦毘羅城四門游觀也

五欲  
者色

欲聲欲香欲味欲觸欲也梵  
語迦毘羅華言能仁住處

**東門見老人**

時太子欲向園林游觀淨飯王聞之於是勅令街巷灑掃嚴淨其有老病死亡之人悉令驅逐勿使太子見之心有所厭及太子出東門作瓶天子以神通力化作老人偃偻低頭倚杖呻吟曲脊傍行太子見已爲駭者言我今此身亦當老耶若有如是老癯之相何暇向彼園林游戲宜速還宮我當思惟作何方便得免斯苦

**南門見病**

速還宮我當思惟作何方便得免斯苦

**門見死人**

時太子出西門又欲向彼園林游觀淨飯王聞之於是勅令嚴淨街道復振鐸言莫令更有老病死亡之人使太子見之生於厭離及太子出西門作瓶天子以神通力化作一死屍卧在床上衆人舉行有諸親屬圍繞哭泣太子見已心懷惻惻爲駭者言若我此身同有死法何暇向彼園林游戲宜速還宮我當思惟作何方便得免斯苦

**北門見沙門**

時太子又欲向彼園林游觀淨飯王聞之於是勅令嚴淨街道復振鐸言莫使更有老病死亡之人令太子見生厭離心及太子出北門作瓶天子以神通力化作沙門著僧伽黎執錫擎鉢威儀整肅行步安詳太了見已心生

愛樂問言尊者汝是何人沙門答言我名

出家之人世間諸行盡是無常我今捨家

求無上道故名出家太子爲言此業大善

於是還宮白淨飯王曰世間一切衆生皆

有別離我今志願出家樂求涅槃

梵語沙門華言

勤息梵語僧伽華言重覆衣梵語涅槃華言滅度

出家四願

出普曜經

出家四願者謂釋迦如來初

欲出家發此四誓願度脫衆生也

梵語釋迦華言

能一願濟衆生困厄謂我設成正覺得一

切智時衆生困厄被諸惱患吾當濟脫令

斷恩愛也二願除衆生惑障謂衆生沒在

生死苦海無明暗蔽悉無所知我當爲其

顯示如清淨眼內外無障令其出離也三

願斷衆生邪見謂衆生在世我慢自大尊

已賤彼心存邪見不慕聖道我當開化令

入正真也

**四願度衆生論**

謂衆生處於

生死之苦輪轉無際滅智慧根不能自濟

我當爲其說法令得度脫也

四滿成佛

出占察善惡業報經

**一信滿成佛**

謂依種性地決定信於諸法

不生不滅清淨平等無可願求是爲信滿

成佛

種性者種即種子性即性分是也

**二解滿成佛**

謂依

解行地深解法性無造無作不起生死想

不起涅槃想心無所怖亦無所欣是爲解

滿成佛

解行者解即解了行即所修之行也梵語涅槃華言滅度

**三行**

滿成佛謂依究竟菩薩地能除一切無明

諸障菩提願行悉皆具足是爲行滿成佛

究竟菩薩即等覺菩薩也梵語菩提華言道

**四證滿成佛**

謂依

淨心地得無分別寂靜法智及不思議勝

妙功德是爲證滿成佛

淨心地者即妙覺佛位也

天上四塔 出佛成道記  
并本行集經

**一箭塔** 經云太子年方十五與諸釋種角

藝太子一箭穿七金鼓又一箭徹過七鐵

猪復入于土水泉迸出遂名箭井時帝釋

遂取其箭於忉利天建塔供養 梵語忉利  
華言三十

三乃帝釋所  
居之天也 **二髮塔** 經云太子初出家時

自持寶刀而發願云我今截落此髮誓與

衆生斷除煩惱習障尋以髮擲空中時帝

釋接向天上建塔供養 **三鉢塔** 經云菩薩

將詣道樹成等正覺時有天人告善生村

主二女難陀婆羅曰汝可最初施食於是

二女以乳烹糜用鉢盛獻菩薩食已以鉢

擲尼連河中時帝釋收歸天上建塔供養

梵語難陀華言喜梵語婆羅  
華言力二女名也尼連無翻 **四佛手塔** 經

云佛闍維時天帝釋持七寶瓶來請佛牙

其火即滅寶棺自開帝釋乃取佛口右頤

一牙於天上建塔供養 梵語闍維  
華言焚燒

**四處立塔** 出法苑  
珠林 **一生處立塔** 謂諸佛降生

之處即應起塔如今釋迦牟尼佛在毘藍

園內無憂樹下降生即於其處立塔也 梵  
語

釋迦牟尼華言能仁寂默梵語毘藍  
華言解脫處梵語塔婆華言高顯 **二得**

**道處立塔** 謂如來得道在摩竭提國菩提

樹下即於其處立塔也 梵語摩竭提華言  
善勝梵語菩提華

言 **三轉法輪處立塔** 謂如來轉法輪其處

不定或在寂場或在鹿苑或在天上等即

於其處立塔也 **四涅槃處立塔** 梵語涅槃

華言滅度謂如來在俱尸那城娑羅雙樹

間入滅即於其處立塔也 梵語俱尸那華  
言角城梵語娑

羅華言  
堅固

**四法** 出大乘本生  
心地觀經 經云於法寶中有其四種

引導衆生出生死海到於彼岸三世諸佛

依此修行斷一切障得成菩提**一教法**謂

一切無漏善法教化衆生能破無明煩惱

業障也無漏者不漏落生死也**二理法**謂一切教法

所詮之義理也**三行法**謂戒定慧等諸行

之法也**四果法**謂至果所證無爲涅槃等

法也梵語涅槃華言滅度

法四依出法界次第法四依者謂依憑正法則能

成就萬行之因滿足菩提之果也梵語菩提華言

**一依法不依人**依法者謂依實相等法

修諸波羅蜜行則能具足清淨功德能至

菩提也不依人者如涅槃經云魔王尚能

假化作佛況能不作其餘之身是故雖是

凡夫若所說所行與實相等法相應則可

依信雖現佛身相好若所說所行違於實

相法者則不應依也梵語波羅蜜華言到彼岸**二依了**

**義經不依不了義經**依了義經者謂諸大

乘經皆明中道佛性若依此而修則萬行

成就就能見佛性也不依不了義經者謂小

乘等經不明中道佛性若依此而修則萬

行難成不見佛性也**三依義不依諍**依義

者義即中道之理若依此理而修則能成

就萬行破諸顛倒而顯中道之理也不依

語者語是世間言語文字非出世法若依

此而修則萬行不成顛倒不破中道不顯

也**四依智不依識**依智者照了之心名之

爲智若依正觀之智於諸波羅蜜觀察而

修則能破生死煩惱之業必證大乘涅槃

之果也不依識者妄想之心名之爲識若

依妄識而修則構集生死煩惱之業流轉

無窮衆苦不息也

四法界

出華嚴法界觀

法界者一切衆生身心之本

體也法軌則也界有性分二義若約事說

界即是分義謂隨事分別故也若約理說

界即是性義謂諸法性不能變易故也以

此性分互相交絡則成理事無礙法界以

理融事一一融通則成事事無礙法界也

**一事法界**

謂諸衆生色心等法一一差別

各有分齊故名事法界

分齊者限量也

**二理法界**

謂諸衆生色心等法雖有差別而同一體

性故名理法界

**三理事無礙法界**

謂理由

事顯事攬理成理事互融故名理事無礙

法界

**四事事無礙法界**

謂一切分齊事法

稱性融通一多相即大小互容重重無盡

故名事事無礙法界

四藏

出大智度論

四藏者即經律論呪也以其各

各含藏一切文理故名藏也

**一經藏**

經藏

者即如來所說一大藏大小乘諸經也經

法也常也十界同遵謂之法三世不易謂

之常又云契經謂上契諸佛之理下契衆

生之機也

十界者佛界菩薩界緣覺界聲聞界天界人界修羅界餓鬼界畜生界地獄界也三世者過去現在未來也

如來所制大小乘戒律也律法也謂能治

**二律藏**

律藏者即

衆生貪嗔癡種種之惡如治世法律則能

斷決重輕之罪也

**三論藏**

論藏者即如來

所說阿毘曇等論及佛弟子所造諸論也

梵語阿毘曇華言無比法

**四呪藏**

呪藏者即如來所說

一切秘密心呪也如諸陀羅尼及凡經中

所有神呪是也

梵語陀羅尼華言呪

經含四義

出翻譯名義

**一法義**

法即可執可則之

義謂如來所說之經十界同遵無不軌則

故也避依也十界者佛界菩薩界緣覺界聲聞界天界人界修羅界餓鬼界畜

**二常義**常即不遷不變之義謂如

來所說之經三世而不改易故也三世者過去現在未來也

**三貫義**謂如來所說之經貫穿一切

深妙義理故也**四攝義**謂如來所說之經

攝持所化一切衆生故也

講經四益出金光明經經云虛空藏菩薩梵釋天

等白佛言若諸國土有能講說此金光明

微妙經典於其國土獲四利益**一國土吉**

**祥益**謂若有國土講說此經者國王軍衆

勢力強盛無諸怨敵疾疫消除壽命修長

吉祥安樂正法興隆也**二輔臣和樂益**謂

若有國土講說此經則輔相大臣和悅無

諍王所敬愛安隱豐樂隨心所願皆得滿

足也**三國人富壽益**謂若有國土講說此

經則沙門弟子及國邑人民修行正法多

所利益壽命延長富逸安樂於諸福田悉

得修立也梵語沙門華言勤息**四法師自利利他益**

謂若有國土講說此經其說經之人一切

時中身心調適諸人民衆增加守護慈悲

平等心無傷害亦令一切衆生誠心皈依

皆悉修習菩提之行也梵語菩提華言正道

論藏華梵四名出華嚴經疏**一摩訶理迦**梵語摩

怛理迦華言本母謂反覆論議則能出生

一切義理故也**二奢羅摩**梵語奢薩怛

囉華言議論謂評議辯論空有假實等法

故也**三烏波你舍**梵語烏波你舍華言近

說謂從近從畧說經中要義故也**四阿毘**

**達磨**梵語阿毘達磨華言對法謂能對所